

四庫全書

集部

欽定四庫全書

西陂類稿卷七

吏部尚書宋犖撰

漫堂草

秋日望盤山用山谷二月二日曉夢會於廬陵西  
齋寄陳適用韻

隨牒作馬牛兒女鎖房閨朝來稍蕭散快值涼秋月庭  
槐垂陰濃不厭蟬響聒蔬畦聊支筇曠望渺城闕盤山

排空來千巖迴秀發浩然遊興生輒欲著布韞五峰儼  
笑萼青蒼樹如髮往者此林巒臥雲得怡悅棲遲古中  
盤飽餐僧厨巖高吟答松濤岸幘擊銅鉢連篇鏤肝腎  
誰能狀毫末還經暎甲石愛聽泉活活今我莅此邦一  
俗直到骨吏事有程期曾不失圭撮埋頭簿書間風騷  
謝鞭撻何期行樂餘忽覲煙嵐窟妙句佇英游庶無三  
獻則薄宦雖漫爾終愧廁簪笏他時紫蓋巔長歌采野  
葛

冬夜留周岷公漫堂小飲用山谷答秦少章乞酒

韻

我本湖海客苦為吏事拘眠食簿領內漸與文翰疎牙  
籤不觸手空羅千卷書之子遠見過寒夜留清娛新篇  
氣浩瀚如水奔歸墟故疾逢蝦蟹使我嘯咏舒起步霜  
砌月更翦官園蔬漫歌驥伏櫪且為傾百壺緬同蘇州

宴還招騷雅徒

約與錢介  
維相晤

擬韋蘇州郡齋雨中與諸文士讌集用岷公韻

恭承大藩地奔走靡餘閒一雨鈴閣靜小類丘壑間華  
池帶叢薄曲折堪躋攀賓從盡時彥文酒相往還招邀  
賦公讌藻思應劉班觴至輒復傾嘯傲開心顏經時掃  
地坐有如馬在閑鴻鵠天外慕簿領座上環疇能減獄  
訟高臥寧市闌煩襟滌流水清響來淙潺友聲余有求  
况聞鳥閒關申章聊咏志寄跡懷空山

秦皇島望海歌用子瞻題王定國所藏王晉卿煙

江疊嶂圖韻

渤海之岸聳斷山橫截巨浪排雲煙人言此是秦皇島  
迴岡輦道留依然白頭山僧葺古屋晨炊遠汲荒村泉  
危磯瑩瑩帶沙石盪胸萬里開長川天吳出沒老蛟舞  
百靈彷彿驚濤前我來榆塞正秋晚蒼鷹叫侶摩青天  
韉紋波細風忽止白鷗容與殊清妍俄頃變幻不可測  
歸墟豈必非桑田秦皇已去漢帝至孤臺野岸空千年  
蓬萊方丈在何許一睂新月來娟娟解鞍脫帽便此住  
斫松煮藪容高眠移情愛鼓伯牙操無須恍惚求神仙

秦碑磨滅蘚花繡誰能與結翰墨緣欲鞭螭龍作海市  
良慚玉局登州篇

觀子瞻寒食詩墨蹟次其答舒教授觀所藏墨韻

董文敏曾摹刻戲鴻堂帖  
中今在劉魯一先生處

書家三昧貴偶然右軍戲筆留裴几蘭亭再書便不佳  
千載風流傳片紙睂山人物岷峨高興至揮毫亦可喜  
剡藤半幅寒食詩玉環豔態真自比同時四家盡崢嶸  
不衫不履端讓此公惟意寄筆墨先瓦池柿葉皆不鄙

蛇蟠醉帖好事求敲門幾煩中夜起况茲春江入戶篇  
價敵元龜與象齒憶公困頓黃州年破竈溼葦輿隸恥  
誰知禁錮徒爾為一字一金固其理涪翁心折跋語公  
書則平原詩則李想當掀髯奮袂時元氣淋漓任驅使  
北平亞相博物才什襲雖多此最美寒宵遠道許借觀  
展卷光芒拱壁委戲鴻摹勒良苦心僅得皮毛遺骨髓  
起磨礱摩學雙鉤雪打牕櫺冰硯水

題錢舜舉畫牡丹次阮亭祭酒韻二首



一笑嫣然大小姑  
魏姚姿態未應殊  
春風吹起西京恨  
頭白溪翁寫舊株

紙上分明兩折枝  
雕欄浥露晚春時  
殷勤欲向朝雲寄  
愧少西崑豔體詩

蠟梅次阮亭韻

孤山幽韻出新妝  
瞥向深宮見靨黃  
解道能春冰雪窟  
何須攔入百花場

遊夾山寺用放翁瑞草橋道中韻

埋頭簿領無少暇奉檄東行馬一跨夾山之寺得得來  
曉望林巒郭熙畫老僧出戶驚龍鍾天女窺人儼姪妣  
全家避難憶曩時晨炊蕨麪然山拓重遊忽復四十年  
依舊寶坊草可藉彭亨槐腹倚斷碑欲墮雕甍一木架  
大青小青蜿蜒留尚畏春寒藏石罅余昔弱歲今二毛  
于役盤桓信天借雲峰丈室擬躋攀已抗前旌難稅駕  
臨風感舊詩易成寫向黃茅崕裏舍

寺有大小  
青二蛇

### 過明月山

冰泮迴溪響珮環煙林一簇鳥閒關春風斜日小燕峽  
又見天邊明月山

龍泉亭恭步先文康原韻二首

何限低徊駐馬心方塘無復舊泉音蒼松怪石能相待  
向夕空亭取次吟

鼓擢難酬醉月心張琴且為和松音微聞父老殷勤語  
還似先公擁鼻吟

春日寓遵化有感

燕塞重來感鬢絲斜陽衰柳動春姿嚴城擁節懷親日  
古寺挑燈哭弟時時聞弟  
所之變父老有情相慰藉雲山無恙  
但淒其驅車愧作觀風使勉和龍泉一首詩

從寺僧借楞嚴經

經時俗韻得針砭白板禪扉月影纖三尺文書且高閣  
却從老衲借楞嚴

龍山寺

寂歷龍山寺山形似擺旗門開黃石亂殿倚碧峰敲迸

砌樹空腹撩人花滿枝春風正駘蕩蠟屐任吾之

遊五峰寺二首

刻意作勝遊蕭晨飲晴靄五峰逼窮邊丘壑莽奔會無  
終固擅名茲山足兩大首路緣礧屑水石相映帶青松  
膏沐新延望殊蔚薈層巒抱花宮不異營丘繪簷楹肅  
而幽翠嶺壓紫蓋鴨脚輪囷奇直上蚪松最何物清客  
心長空響竽籟虎嵒有遺蹤鷄石迴荒昧登探無限佳  
小憩飽粗糲振策凌絕巔人影落塞外山鷗戛然鳴跼

躡發深嘒

無終山名紫蓋峰虎窟  
鷄鳴石俱五峰之勝

披榛下寄崙塔院尋古屋曲磴作蛇盤咫尺迷林麓姚  
秦碑版亡石幢字堪錄金元彈指間摧折如斷穀栗穀  
刺芒屨扶持困童僕脫帽掬葉菴四顧軒牕撲山僧不  
出山見客同驚鹿萬松足怡情徑不種花竹淹留聞磬  
聲還為設茗粥憶昔榮戟臨題詩愛幽獨趨庭余稚齡  
左右奉巾幅今疑隔世遊有子相追逐飲酒大父風和  
歌頗能連人事幾推遷繕性嗟難熟彌勒願同龕丈室

那更築一燈對楞嚴妙香來空谷

子至侍行

桃花寺弔李光四處士用宋趙師李壁間韻

幽絕招提境嘉名自昔云陽崖疎樹映大壑亂淙聞日

暖催紅杏堂空養白雲鹿裘邈何許猿鶴尚思君

處士名孔

昭荊州人明進士  
高隱常往來此寺

重遊盤山七首

盤山如盤龍舊名為四正幽燕之奧區百里勢奇橫五  
峰插碧天羣岫如奔命我行越薊丘曠望迴生敬趣途

隨山樵短筇喜孤勁千像凌晨經樹石莽疎映矮塢儼  
衆僧導客來相競靈椿學蚪松法界殊清淨澤鉢失淪  
漪搖石具情性登攀忘渴飢亦未暇吟咏頰首紫蓋峰

會當持其柄

千像寺有澤鉢泉搖動石

去去遵山麓溪谷何威遲芒屨關石齒竚立宜輕颺迴  
岡穿老屋零落餘罌甕艾而張網羅禍機嗟虞師盤泉  
響珮環隔嶺聽愈奇既至得舊觀太息水之涯照影驚  
皺面仍不改漣沍中盤白塢院少林紅龍池停屐還振



策胸已無險巖山心探初地

天藻仰穹碑道人知我來為我掃茅茨松石知我來為  
我發幽姿所恨春尚早杏萼悶華滋經壇少淹泊東  
菴榛還披月明嘯高閣願與上靈期

萬壑激松濤空山黯將夕失道困蒙茸蒼耳時一摘  
豁訝勢搏人却步憐跼蹐稍循迤逦紆未怕層巒隔人語  
驚栖禽老鵲聲格格聞鐘投寶坊片月簷際白登臺撫  
長松天畔留岸幘鄰僧邂逅逢茶話意良適河漢手可

摩猿掛看林隙靈境清心魂欲臥不安席頭陀催閉門

云有虎行迹

此首謂  
慧業菴

遊山如嗽蔗佳處得以漸翠律掛月峰磴道一何險孤  
塢入雲汀殿閣聳巖广探奇竝鳥飛耳畔罡風颭積雪  
明皚皚晴靄閒冉冉幽磴藏上方禪扉日夕掩老僧雖  
屢邀未去同回剡捫藤勞抗尻狂叫等驚魔嶺脊得少  
休聖燈想光閃佛牙禮金棺捧視意還歎盈盤薦棗梨  
地僻僧廚儉嗟余攜幼來非向金仙諂愛作八極遊齊

煙看九點

昔余吟五字幽賞企青溝凌風越西嶺攔入麋鹿遊谷  
口訪邃洞門閉巨石留何時名將軍古蘚纏兜鍪異鳥  
靜相語聲比山呼鳥名優松鼠竄竄竊竊豎尾招其儔顧盼  
出叢薄花宮臨荒陬茅屋八九間彈琴藏湯休新詩感

祭酒

謂阮亭

奚啻珊瑚鉤黃精潤齒頰名畫清人眸

觀趙文敏

甕牖

幾年緝山志往牒窮冥搜遺世幸同調矢口談莊

周誰謂白蓮社高風獨千秋

此首為拙菴賦

遊興動枯禪偕我登疊嶂煙嵐青冥濛斷續來樵唱幽  
處衛公菴松石訝殊狀位置造物工左右恍揖讓崎嶇  
到寺門劔臺屹相向纔聆梵放幽旋策登高杖嶄絕苔  
壁橫徐緣石脈上篝火尋題名畫腹辨字樣新月正如  
舟散髮一疎放人生蟻旋磨今夕愜微尚四山響木魚  
清切聞法藏寺名風起海雲鋪從師問真妄

曉起問歸路天城寺名經山隅如行鐵堂峽石氣侵肌膚  
嘉果不知數千章雜槐榆林端響啄木顏色憐衣襦幾

日天桃開想見絕代姝峭壁壓臺殿詎與屏風殊松篁  
紛點綴摩詰當能圖涓涓山脚泉一寺皆霑濡折松作  
麈尾酌泉貯銅壺歸示華亭客介維定恨不竝驅簿書行  
委座柳栗何時扶

登豐臺太乙閣

海濱樓閣上清居碧瓦金莖落照餘幔捲靈風開玉座  
鼓喧春社駐雲車明禋待舉甘泉祀宵火曾窺子政書  
倚檻長空數歸鳥楚詞哀怨憶三閭

朝鮮牡丹

花葉羅羅傍檻披也從穀雨闌芳姿沈香亭暖柯全改  
鴨綠江空種乍移芭奪膳脂明霽日穗分瓔珞颺微颺  
慇懃一翦穠春色會遣朝雲識此奇

送友人歸蘇門二首

送子故山去蘇門尋嘯臺遺音想鸞鶴古屋掃莓苔砌  
下百泉沸牕中千嶂開飄然欲一往惆悵離筵杯

平生懷有道引領夏峰村

謂孫鍾元徵君

爾去松榆社還經薜

荔門清風留夢寐白首課兒孫揮手潞亭畔綠槐晴鳥  
喧

夏日喜吳天章見過即次其貽介維韻以贈

觸目潞亭無一可盤山且喜在東郊觀河只媿蕭騷鬢  
種菜常思大小巢座上故人談娓娓枝頭好鳥聽交交  
匏杯醉向南榮臥末利香風過枕凹

遊聖泉

泉在密雲南山下志稱聖  
水鳴琴咸南塘常遊此

石窟雙泉吐迴波蔭碧林淒清如裂帛

京師西山  
有裂帛湖蕭瑟

自鳴琴破寺鐘聲和荒渠蘚色侵老僧談往事小隊此  
招尋

登冶山尋仙人洞用元王璉訪徐良夫韻

于役經檀州禪房養愁疾行藥尋林壑自顧負奇癖冶  
山有遺構塔院看歷歷風榛蔽鳥道紆曲轉巖石絕頂  
縱遐矚連峰更攀陟龍劍去已久燈光傳靈跡崖欹若  
堂隍古洞玉潭寂跼蹐踰澗漱餘境異心有得振衣望窮  
邊千山黯將夕彷彿霄漢閒笙鶴忽來覲



漫堂倡和詩

漫堂與朱悔人夜坐出示曾青藜周青士詩箋即

用青士鐵舟讌集韻

花發傍地爐斗室安且煖隔牖聞驚風冰折階下木歲  
晏鎖印餘來對萬卷宿高談得夫君偃仰愜所欲碑版  
窮籀斯名畫亦在目時話匡廬遊緬想康王谷更授處  
士篇敢不拜命辱冷然金石聲厥品維嶽瀆放懷聊和  
歌刻燭頗能速何異登鐵舟吟社一再續呼童滌匏杯

漚酒

出豐潤

激濫屬清琴座間橫古調宜共勗

奉和前韻

朱載震

迭竭觀四運久旅忘寒燠攬衣向空階雪光搖落木短  
檠几閣熒晚霧層檐宿有懷歲將晏沈吟同所欲圖史  
恣幽探燦然豁心目時復憶貧交諮訪到巖谷梅里與  
易堂處士名不辱愛才有如公廣大同嶽瀆翻念經年  
別時序何太速迢遙東南望高會幾時續大雅今未墜  
舉杯為公屬裁詩寄二子令德永相勗

甲子除夕同悔人賦用曹升六舍人贈基兒韻

當今天子龍鳳姿坐致太平民物熙上

陵瑞雪孝思感豈必甘露麒麟芝沿牒良愧此臥理維  
齊益公真吾師香凝畫戟遡先烈兩世姓字豐碑遺瞻  
言祖德咏迪志循牆而走潮河湑竭來歲序類轉轂千  
門爆竹聲相隨一時賓從得老輩掀顛抵掌談風詩願  
與周旋屬縈韉松陵皮陸堪繼之自顧徃徃出下駟敢  
分壇坫稱工倕漫堂守歲燭兔首明燈積雪光離離盈

觴漚酒莫遽醉五更三點起祝釐憶昔飲飛值此際執  
戟恒拂宮花枝祇今短髭白頗鑷但未龍鍾來嘲譏盤  
山老衲屢招我咫尺不去將何為春風幾日杏花發相  
期濯足紅龍池

奉和前韻

戴震

雪消河柳搖春姿千門饒歲紛熙熙洩勃俱收走牧豎  
誰辨赤箭同青芝凡魚作伴蟄汙瀆激流安得逢川師  
漫堂先生雅好士旁搜汎愛無遐遺徃共論文金臺側

招攜復向潞水湄孔李通門交最篤更得小宋相肩隨  
謂維德守歲蕭齋竟何事熬香酌酒一祭詩為政風流迴

不易才名節操將兼之如余樗散成棄物雕鐫寧意頌  
工倕刻燭連吟鬪健捷宛拂太阿驂織離君家三世秉  
旄鉞東郊舊德傳保釐焱民淳風今再覩塗謠式聽據  
槁枝丈夫致身期不朽直道在人憑褒譏天達蕩蕩修  
且廣翺翔馳驟任爾為歌罷銅龍欲報曙栖烏炬散飛  
差池

除夜懷王阮亭少詹黃潛黃門奉使嶺南用青藜  
依園讌集韻

空階雪氣逼簾清又聽他鄉爆竹聲  
關箸冰魚當燭晃浮蛆漚酒入脣輕  
興餘湖海慚初服醉逐兒童鬧晚晴  
惆悵故人趨嶺表梅花香裏是王程

和前韻兼懷阮亭黃潛兩先生

戴震

早梅香發入筵清風送街頭臘鼓聲  
盤點熊肪和釀滑爐燔松火覺寒輕  
關心別歲聽宵漏極目朝正問曉晴

最憶海南奇勝地二王名紀往來程

齋中三咏

松雪齋集

雅願終身作蠹魚吳興集刻至元初華亭小記增珍重  
不數虞山舊漢書

西園公子琴

夏邑彭堯諭

當年公子號知音也學中郎爨下尋今日登牀彈一曲  
西園風調未銷沈

萬道人草書

徐州萬壽祺

年少襟期竝鐵厓偶然賣字坐中街  
刻藤半幅山僧寄  
醉墨淋漓亦復佳

和前韻

戴震

松雪齋集

花溪沈氏刻

卷帙尋常厭魯魚一編精絕拔讐初  
吳興文字花溪刻  
堪作淮南枕內書

西園公子琴



教嘈誰復解遺音彭叟風流尚可尋怪底漫堂偏愛惜  
摩挲常到夕陽沈

萬道人草書

健筆蒼藤掛斷崖昔年價重洛陽街即今落落無多字  
道是斯人便已佳

盤山拙菴道人書來有黃葉飄空白雲滿地語賦  
此答之

白雲流地滿黃葉向空飄似此道人句寧殊叢桂招聞

鐘眠佛閣隨鹿過溪橋何限曾遊處分明入夢遙

和前韻

戴震

聞說盤山裏春風杏亂飄會須匹馬去不待老僧招  
明月紅龍沼青松白板橋薊門連潞水東望未曾遙

冬日寄牧仲觀察

朱彝尊

今年燕臺數雨雪雪晴九陌吹回風欲鳴不鳴曷旦鳥  
得過且過寒號蟲茸裘已敝庫尚典濁酒苦貴樽常空  
故人念我儻分贈薊門白炭盤山松

次韻奉答

故人羈栖在輦下杜門委巷嗟霜風曰歸正須賦緩緩  
小飲且為呼蟲蟲書來大雪歲暮暮劍舞永夜愁難空  
他年燒筍竹垞去飽餐那羨吳江菰

和前韻寄家竹垞先生

載震

潮河京東四十里往來策蹇衝寒風置身頗慚類刻鵠  
過日訝許甘彫蟲千觴落手興不淺數帙滿案囊寧空  
春盤待我走相聚黃芽脆竝江南菰

人日出郭從響水牕過南溪寺觀先文康詩版晚  
至觀音禪院流連竟夕東郊之游蕭然物外不必

深林峻嶺也同悔人作

時兒基孫  
如金侍行

人日新霽宜遊騁飯罷兒童再三請東郊策馬一放懷  
何必深林與峻嶺河冰將泮沙路融昨日風霾息餘猛  
曲渚挑菜流光催印首天涯歎浮梗晴雲斂盡氣乍暄  
擬脫敝裘兼露頂城隅響牕翻瀑花匡廬開先到俄頃  
霆飛雷闕耳欲聾大是奇觀要細領迴堤迤邐野意多

老樹長河背萬井吏人莫進賓從佳旁午盤桓忽斜景  
招提訪舊眾愚傾削磴雖存待重整周旋杖履三紀餘  
版上一詩還記省如人短拍誰手裁不見叅天舊文杏  
傷心斗室繩牀懸那得老僧同說餅壯歲已過訝抱孫  
仍啜香臺一甌茗低徊欲噪林際鴉更尋南鄰初地靜  
水精域裏欣慕生禪理貿然金在礦天童老人夙所欽  
詎意空堂覩留影龕前再拜思皈依如汲深泉乏修綆  
起登佛閣臨沙灣雲水瀰漫與天永無終山色拂地來

儼對佳人晚粧靚言歸衙齋閉戶吟簿書且喜早春屏  
側理狂草作蛇盤蠟梅吹香燈炯炯此情惟有朱顏知  
寧顧旁人怒生癭

奉和前韻

戴震

野性從來愛縱騁聞說出遊不待請過歲三日天氣和  
竝轡東郊隄沙嶺草場之西牯流飛驚飈振林恣怒猛  
佇立俯瞰逝如斯蒼茫身世等萍梗盤渦不減玉淵潭  
渤滂恍陟黃巖頂長河彌望凍不開日眩冰稜光千頃

囂氛撲面苦趑趄幽意忽接心已領此間勝賞人不識  
徒嗤跼蹐窺深井坡陀小逕廢寺通荒臺獨樹駐靈景  
歸然有版塵中懸詩律清嚴字斜整相國風流宛在目  
年華逼人發內省倚簷顧瞻原上村指數開田時望杏  
萬戶兒童走跋跋拍手招呼噉煎餅僧貧竟爾學入俗  
文康公有僧貧難入俗句延賓升堂陳果茗導我郭南二里餘禪室  
初闢地頗靜徐步往從類引鍼好景待搜似鑿礦登閣  
喜甚無纖翳殘照澹斂遙峰影欲向老宿問無生怡悵

臨淵但眈縷晚歸擘搯興不孤華軒張燈遲漏永回首  
旬砵早雷奔還憶螺黛晚粧靚樂哉此遊殊堪紀點筆  
操紙異慮屏公倡我和渾忘疲起視牕外星炯炯銜杯  
一讀一擊節且凭藤輪敲柳癭

春日過水月菴同悔人用阮亭少詹壁間韻

時攜錢舜

舉牡丹  
卷同觀

霽景佳甚停風沙首春遊屐趁放衙寶坊城隅不數武  
清泉疎樹飄香花追隨上客愛幽絕琴樽聊共開士家



閒房沈約有題字

謂繹堂  
宮詹

疥壁誰使參塗鴉雪溪名筆

出行篋斐几爛漫留奇葩殘陽數尺挂籬落僧雛屢進  
雷鳴茶高歌起舞逞狂態法鼓取作漁陽撾禪栖遲暮  
學摩詰背癢奚事麻姑爬南湖蓑笠故無恙引領天末  
生咨嗟黃昏約略還小住女牆一抹明輕霞

奉和前韻

載震

我今尺蠖蟠泥沙銷磨歲月空衙衙公是老梅凌霜雪  
春風一拂開繁花晝閒興發何所適攜我步履來僧家

祇林逕僻人跡掃窺簷時見翻慈鴉翦綵作供盈百卉  
燦若陀羅飄天葩壁間新城盤硬句味竝撤攬蒙頂茶  
清言高詠日卓午遠聞街鼓紛摻撾鄉思忽動不可極  
纏身坎壈煩搔爬竭來雪溪寫生筆展對快意相稱嗟  
云胡不歸故園裏飽看鹿韭蒸紅霞

漫堂先生過海門出示倡和詩即用人日出郭

韻題卷尾

吳雯

憶昔少年尚馳騁頭顱四十愧朝請已知不是宰官

身自分常依居士嶺騰擲休任獼猴狂精進當學獅子猛其如積習喜文字有類柔穉發枯梗丹經一笑帛裹鬚皂帽幾顏墨淋頂惟信胸中少鱗甲我峭雪水一千頃食貧廿載成遠遊世態低昂暗知領本性往往受拘縛夷則鏡困蛟龍井入洛安得比鄒枚懷沙只可弔屈景公也威鳳知鸞飢作歌傷我羽毛整更念瑯琊及安德殷殷慰藉常記省細雨空懷野寺梅客春雨中王阮亭先生約看花善果寺炎風幾憶巖關杏謝方山先生有杏村

讀書圖賦  
詩甚多

誰知羈栖東海邊公來同啗雲門餅兼云  
勝友朱挑推衙齋關韻奪香茗攜將佳句爭上駟貪  
誦偏宜春夜靜才力韓孟各分疆交情盧馬同一礦  
歸來長嘯驚神魚月明擢撥琉璃影我亦蚓竅發蠅  
聲却使珪璋束藤綆公言明朝當早發使我延望愁  
日永舉首高天鴈正過島嶼蒼茫晚猶靚移情是處  
感成連塵慮喧囂一時屏故人已去鄉思深夢入通  
天見沈炯低頭重懺起滅心水本無波木無癭

西陂類稿卷七

欽定四庫全書

西陂類稿卷八

吏部尚書宋犇撰

漫堂草

送李孝菴太守之官遵義二首

隨堞天涯去邊烽乍息時山川夜郎國風物竹王祠  
露冕春行好銜杯別恨滋諸侯看負弩棘道擁旌旗

離席留殘雪驅車趁曉鶯少年為郡日遠道送君情蒨

將醬憐行賈巴僮勸耦耕文翁遺範在早晚聽休聲

過河曲精舍同悔人分賦二首

長河環古堞別浦映疎林策杖迴隄去聞鐘初地深杉  
爐燒鴨脚菜几玩來禽不淺滄洲趣閒房起越吟

春淺冰花結寒光滿竹扉一僧開徑老千嶂隔林微種  
菜宜煙渚撈鰕羨草衣他時芰梁上好把碧筒揮

盤山拙公以野蔬見寄次韻答之

蔬名杏葉豆葉  
豆葉惟盤山與

匡廬  
有之

柔條纖葉碧參黃春礪幽姿泣露光小摘雲林扶短杖  
遠馳瑤草侑盈筐種疑上苑花時見蒞憶廬山雨夜嘗  
榆肉楮雞誰得似殷勤真費道人糧

附  
撥野蔬寄收仲觀察

智朴

冉冉輕煙閃閃黃飯餘嶺上弄春光豆苗競茁紅侵  
步杏葉才開綠滿筐偶摘最憐人不見小鮮偏喜我  
初嘗非君古道誰堪寄只許山家作道糧

春日憶淶波村用至兒韻



幾載春風憶敝廬  
黏天雲水望來虛  
何時放鴨亭邊去  
紅藕花中罩白魚

附原詩

至

楊柳參差恰覆廬  
淙波村裏綠陰疎  
輕舸小坐春風暖  
好釣胎鰕孕子魚

春日書懷用竹垞檢討柳巷杏花歌韻

昔我遊雙江  
匡廬九疊徃  
復經扁舟  
泛彭蠡如鳥  
張修翎忽忽  
回頭已七載  
孤蓬還憶泊  
落星碣來客  
通潞杖

不扶郊垌簿書攬晨夕安得愁懷醒春光九十隨手過  
如醒桃萼嗟飄零婪尾行欲放送花想園丁漫堂天陰  
對圖畫尺幅徒愛遙山青牆隅疎柳手所種穉生金線  
紛紛娉娉參差石竹侵檻碧灌溉時自攜銅鉶朝來鄉心  
不可按側身南望放鴨亭荷錢鋪水葦抽筍雙漿正好  
尋清冷冶遊豈必羨吳會竹輿嘔啞闌支硯江湖蓑笠  
故無恙一聲漁笛何時聽寄書兒曹課種竹繞屋他日  
看蛉蜉南榮鐫白亦良苦觀河吾自憎吾形隔城迴帆

聞搗鼓輕煙一抹連沙汀閉門科頭恣吟嘯氤氲香篆  
留牕檣盤空硬句寫胸臆吏人欲進仍須停黃昏微颺  
響林末楊花如雪吹冥冥

附

原倡

同嚴萬漁  
錢庸亭作

朱彝尊

頻年住

帝里一山一水何曾經有若蝸負殼又若鳥翦翎疾  
風揚沙卷花去眼看春事如流星邇來罷官居肆意  
尋郊垌朝從潞河還犯卯酒未醒

晨過漫  
堂留飲

雙橋東偏

柳巷北小寒食後微雨零偕行者二子各各駐輿丁  
杏梢含苞猶未白柳條拂地今漸青晴然冉冉香細  
細卑枝嬾嬾高婷婷村童灌畦愛看客轆轤并架雙  
銅餅種花此地已難得那不更縛香茅亭江鄉爾時  
春益好西神山下泉泠泠閭門遊人連臂出筠車十  
里闌支硯即如南湖亦不惡桑鳩穀犬聲可聽穀犬  
蛙也  
紫荷花草雜坐臥燕來竹筍生吟癖人生還家貧亦  
足何苦晨夕勞其形吾儕田廬況不遠峭帆柔櫓凌

回汀都籃兼攜茶具悶拓小眼紅牕搗吳歛越吟  
相繼和五日十日恣留停念此令人反惆悵夕陽四  
顧塵冥冥

附  
前題次韻

至

余也從識字終歲守一經偃蹇三十餘野鶴彫修翎  
南下雙江北榆塞年華瞥過如飛星邇來客

帝里結伴尋林垞東風妙駘蕩吹我宿酒醒盤山雲  
起橫雨脚廉纖小雨向夕零畦蔬燦新綠翦掇煩園

丁威紆柳巷入佳勝小麥翻浪何青青杏萼初試雜  
紅白已花未花渾娉婷道旁轆轤汲深井一木上下  
懸雙鉗辛勤灌溉走野老聊避風雨留茅亭賞心只  
此不在遠慶豐牖水聞泠泠詩思忽動快迎刃庖丁  
之刀新發硎風光到眼慊夙願布穀催種還堪聽路  
上小兒競導客插花滿帽來矜竚嗟我骨相宜藪澤  
胡乃奔走勞其形佇看鷗鳥殊溶漾朝飛暮宿依沙  
汀淥波村遙空凝睇緯蕭却憶當牕樞人生有志苦

難慰日居月諸無時停會須鼓擢下梁苑藕花十里  
煙冥冥

題商惟吉江山積雪小幅用松陵集寒夜聯句韻

惟吉名喜明宣宗朝錦  
衣衛指揮常代御筆

披圖忽江天城闌當山缺磯危勢龍嵒波冷色澄澈仿  
彿九派游淒其三冬節風物暮景殊觸迂冲襟切營丘  
貌寒林摩詰工積雪共爾天機精邈然人蹤滅破牕虛  
白添素練皴隸結踽踽僧作蟻莽莽洲如玦愁深對宜

醒蹟妙心自折御牀曾捉刀畫苑位高設

賦得老樹空庭得

望去槎枒自作林輪囷偏耐雪霜侵閒階漫挺干雲勢  
斜日常留滿院陰幹點莓苔宜聳鶴響傳竽籟應彈琴  
幾番鎖印徘徊處聊愒空山一片心

過樓桑村謁漢昭烈廟

弓遺白帝志難償正統千秋自蜀疆古廟巋然當獨鹿  
新枝沃若發樓桑雲旂羽箭開張侍乳燕鳴鳩禁籞荒



讀罷迎神碑上曲  
梓花開落又斜陽

郵亭

苦甚郵亭面壁時  
往來輿隸盡題詩  
今朝一語堪收拾  
村尾濃陰綠樹披

夏日過礦山寺

松蔭接迴岡  
禪關隱夕陽  
杖尋樵子路  
衣解贊公房  
雲壑當牕邃  
山泉貯鉢涼  
自憐同倦馬  
暫得謝羈韁

康熙乙丑五月

駕幸古北口避暑 臣 華以通永僉事奉檄修治橋梁途

次恭紀

鑿輿避暑塞垣行谷鳥巖花喜氣生一路奇峰蓮萼聳  
千迴流水縠紋明粗成行略寬民力屢駐蓬茅悅

聖情臣職觀風當擁篲忽來靈雨翹塵清

石盆峪龍潭歌用歐陽公晉祠韻

石匣鎮南十里間石盆之峪流潺潺我來策馬亂石路  
兩峰合處窮其源微颺披拂瀑花落玉潭如鏡籠山煙

岸旁遺廟有短碣南塘題句幾

平聲百年

謂咸大將軍

僧言神

物此窟宅恒從萬丈驚盤旋少陵小蛇訛為雨靈異今

又聞塞垣坡陀跌坐面澄澈囂塵自訝彫朱顏時方苦

早向龍禱願一欠伸滋枯田輕綃瞥見曳潭底雲雷恍

惚騰迴川擬歌迎神送神曲歲時伏臘被管絃言歸驛

路穀相擊那得耳聽噴薄泉黃昏野店聊竚立風林纖

月方娟娟

夏日雨中重過河曲精舍四首

微雨泛輕船城隅一水遙新荷侵壞道破網掛危橋  
精舍花香入空林暑氣消茶瓜風味別齊已坐相邀  
瓢笠追隨數菰蘆偃臥清雲威低柳徑燕語會松棚酒  
許當牆過詩難擊鉢成淹留淳朴處真悵侶鷗情

雨急亂波光城闌入渺茫最憐鷗鷺喜倍覺芰荷香  
豆莢分僧鉢菱歌度講堂緯蕭無限好惆悵水雲鄉

余家  
淶波

村有緯  
蕭草堂

纂纂沿牆棗垂垂滿架瓜僧閒勤種植村小護雲沙舊

雨掀髯失

人憶悔

新愁對酒加衝泥歸路晚任笑接羅斜

衙齋絕無蟋蟀命小童覓而放之籬下蹶然有作

庭樹蕭條逕草豐如何秋至少鳴蟲古人觀蟻空堦上  
今我添蛩小院中似訴似啼當社日在牀在戶念幽風  
放衙自笑真無賴分取秋聲到菊叢

重過遵化練泉恭步先文康韻

有序

遵化城東北隅有泉澄澈流周於隍舊名烏龍先  
文康開府畿東時易名曰練暇日築亭種樹與賓

客泛舟遊宴其間曾有泉上作後入相諸將士置  
酒餞別公復留斷句一首刻石置泉上時為順治  
二年犖方稚齡今康熙二十三年二月犖緣觀察  
通永按部過遵尋訪舊跡而泉以地震涸久矣因  
次斷句韻有方塘無復舊泉音之句又明年復過  
其地泉忽湧出頓還舊觀邦人士亦驚喜共事修  
葺犖留連久之爰次泉上作原韻勒諸貞珉以誌  
今昔之感

先人漁陽擁節旄我今重來駐畿甸山城訪舊空亭留  
不見清泉照人面古隍庚庚龜兆橫千畝安能灌厄苗  
獨倚怪石弔斜陽忍對長松自蔥蒨今年一事出意表  
壞甃依然明匹練迴溪感沸得舊觀幽響臨風傳別院  
縛橋設檻走士人輿隸驚看亦云便昔如黃犢今霜顏  
插脚誰知此開宴何戡歌發感客心況復林端山鷓轉  
載尋邃洞翦煙蘿苔蘚封門青一片顧瞻先澤矢淵冰  
求瘼敢言黔首賤摩挲斷碑景遺編口沫手胝咏百遍

回首霜月到方塘依俛諸將當年餞

附  
前題次韻

王至

我家祖父宦遊奇先後接踵來畿甸沿沙之東古無  
終五峰崖峒當北面有泉活活傍城隈紅霞射水水  
如茜文康舊跡餘雙亭翳以蒼松何蔥蒨小子從觀  
及暮春波光一望驚江練蘆荻風生客衣涼木魚粥  
鼓聞禪院僧言是地盤烏龍蒲池亦在渭渭未足善當  
通化  
年詩版已無存殘碑猶勒中丞宴泉上有宋中丞宴客處微雲



澹沲起遙汀沙鳥迎人時一轉女牆高處紛野花迴  
飈吹落還片片人生只此足幽棲鹿鹿徒使青山賤  
吾欲掉頭謝塵寰布韞揆從茲遍好懷應亦鑒清  
流五嶽遊蹤豈待錢

寄楞嚴經與拙公

小卷楞嚴寶座隅看來宋槧未應殊微文大義無須問

寄與山僧覆醬瓿

西陂類稿卷八

欽定四庫全書

集部

西坡類稿卷

九至  
十二

詳校官起居注事

臣顧宗泰

助教臣常循覆勘

總校官檢討

臣何思鈞

校對官編修

臣勵守謙

謄錄監生

臣朱腹松

欽定四庫全書

西陂類稿卷九

吏部尚書宋犖撰

漫堂草

何次德見過漫堂感賦

蔚俊英游幸拍肩侯羸鞭弭共周旋  
縑衣需次仍遺老  
白首重逢話往年  
柳暗隋隄花是雪  
月明蘧步酒如泉  
雲煙過眼嗟三紀  
疎雨青燈一惘然  
曩次德遊梁所主  
必舊家余同雪園

諸子賦詩送之後遇於金陵與周撫園袁箴菴諸  
公讌集秦淮丁繼之水閣今屈指三十餘年矣

題周鼎高秋翫月圖

高臺何突兀環以青梧桐遙天湧圓月煙景開朦朧片  
雲掃無迹庶免滓太空誰其快登眺提攜兩詩翁琴樽  
亦不設倚檻惟孤童顧此三尺練颼颼生秋風古來貌  
夜山妙手推克恭卓哉秣陵叟走筆追前蹤衙齋掛晴  
晝清輝照簾櫳掉頭拋俗韻置身丘壑中幽人不我棄  
霞外偕支筇

秋日同蔣京少重遊河曲精舍用月泉吟社韻即  
送京少還江南

幾度溪頭看藕花  
芰梁微雨坐浮瓜  
重遊忽聽潞沙鴈  
初地同傾陽羨茶  
案展晴嵐消放梵

時觀石田畫卷

籬侵淥水

罷停車風前一曲送歸客  
悵悵煙江颿影斜

晚坐漫堂留京少小飲仍用前韻

漫堂三見放蘋花  
隨手年光已及瓜  
薄宦真同秋社燕

與香聊試武夷茶

武夷山小九曲有與香茶

聯吟莎柵堪扛鼎  
送客

蒲飈可當車漚酒一杯君且住高槐突兀月敲斜

雞泉校射歌上大中丞于公五首

旌旆悠悠映碧空秋原校射快從公手彘弓燥雍容甚  
不少襄陽太傅風

雞距清泉遶郭斜淙潺幽響雨餘加今朝小隊經行處  
應號迴溪作浣花

桓桓使相坐平臯破的風前寄興豪夾道千人瞻畫戟  
我公丰采太行高

褰衣約略喚漁舟容與微波得勝遊  
鏡吹欲傳還小住  
蒹葭深處有眠鷗

如笠孤亭俯澗光擬添欄檻種垂楊  
甘苦自來同將士  
當筵斟酌散魚湯

上谷謁楊椒山先生祠次魏司寇環溪先生李僉  
事梅崖壁間韻

椒山峻與太行同謬居然折檻風  
曲突豈惟彈馬市  
傷心終使嬾龍逢清霜氣結臨刑句  
赤日光留未了忠

魂魄自來思故里渚蘋殷薦廢祠中

歷盡艱危謫遠方還將一死震巖廊批鱗目已無丞相  
列組人爭拜奉常夢裏笙鏞元有志街頭枷鎖任飄香  
靈風蕭颭鬢如戟庭舞神鴉老檜蒼

讀康對山武功志題卷尾二絕句

絕代風流康對山琵琶一擲老秦關千秋邑乘留殘帙  
簡潔居然並馬班

有聲風物七篇中騷筆由來撰述工太息斯人甘廢棄



交情端祇篤崆峒

為陳謁公題傳青主徵君村居圖次青主原韻

水石明素練觸迤江湖心高士寫平遠妙蹟追雲林村  
居寄寥廓一半煙靄沉竭來斗室內忽覩郎山岑幽人

時危坐耳畔流清音

謁公家上  
谷近郎山

冬夜漫堂文宴同王令貽用章八元新安江行韻

舫齋依老樹有客共維梢笻簪懷漁具蒲團愧鳥巢

壁懸

石溪道人  
鳥巢圖

杯深孤月晃屏曲凍梅交一段婆娑興將無

候吏嘲

附  
奉和前韻

王原

曲牕藏潞渚泛宅此維梢白墮釀三斛青緇棲一巢  
霜凋帘燭瘦月盡葢花交不淺登樓興清狂任客嘲

太學石鼓歌用蘇子瞻原韻和王令貽張弘蘧

我髮未燥心好奇周宣獵碣詢遺叟執經曾為國子生  
屢肅衣冠戟門走嶙峋驚觀石鼓文欲讀牴牾難上口  
累朝考究窘鉅公矧我生當千載後撲質輪囷列仍十

古蹟剝蝕載維九臨池學書眇蟣蝨筋骨徒教誇顏柳  
嗒然對此喪所懷昂首高天爛箕斗我車我馬辨不易  
畫肚移時動右肘繽紛光景浮雲歆隸楷俗書掃狼莠  
強尋邊旁鬱深衷乍測奧義呼良友臥度卯酉推索艱  
如趙武靈探轂轂憶昔中興蒐岐陽紀績銘功勒蝌蚪  
歌辭烜赫躋雅頌從臣撰述定耆耆或云嬴氏或宇文  
異議相沿誰所啖天留重器登成均壓倒犧搏與鬯卣  
趨蹌上舍勤俊髦想像歌工煩矇眊金石刻畫蛟鼉盤

聖作歸然竝岫嶺揭來摩抄儼落星元氣淋漓蘚花厚  
昌黎子瞻遞咏歎音訓豐碑表某某蹉跎三紀緬神物  
光怪羅胸詫希有厭親簿領謝文翰忍見庭除設械杻  
拓本寓目心一洗斯邈以還等瓦狗陳倉淪棄鳳翔遷  
日炙火燒存亦偶流傳奕禩位置妥蹲鴟排比齊其首  
白窠曾憐任春榆牧豎幾遭來擊培繼經鄭重金玉鍍  
播蕩戈鋌旋別取嗟哉顯晦固有時至寶終難辱埃垢  
出之泥草獻清廟祭酒先生昭世守江左兩生韓蘇才

鞭撻風騷若拉朽石鼓之歌欲和難應附此石千萬壽

附

原倡

原

我謁太學歲丙寅九秋既雨天氣新廟貌肅穆迴絕  
塵右平左城通堂陳戟門森立高嶙峋內塾十鼓棊  
布勻周宣垂今二千春三代法物希世珍文謨武烈  
墜復振烝民韓奕學士呻方叔召虎儕鳳麟尹氏仍  
氏詞絕倫大小二正存其醇大蒐岐陽韎韐親乃命  
謨列示無垠編詩不入昧所因翻幸虐燄逃暴秦陳

倉滅沒同泗淪李唐獲九奇不純其一剗中投杵頻  
皇祐得之田野民呵護浩劫宜鬼神鍍之黃金錯白  
銀金源剔取馳北輪宣撫宅廢埋管榛虞公請置功  
可泯竭來摩抄餘百巡史籀不作難考詢手畫生胝  
吟燥屑心重古罷詞罔伸斑斑駁駁星向晨三百廿  
五龍脫鱗九未全蝕亡一辛耳目荒忽雲雷屯鳥跡  
蚪蚪辨莫真蛟螭驚肅勢未馴韓蘇鉅公生不辰強  
尋難讀淚墮巾矧當愚蒙識如燐邈從天漢窺涯津

麋鹿速速驂騑馳維鯁維鯁以柳緡約略大義車攻  
鄰難以意解取笑嗔我聞彝鼎銘至仁武功勒銘則  
鼓鐸合江鐘石紀禹禋厥制最古聖所循之杲詛楚  
焉與鈞麗牲浴俗羞彬彬崇尺有咫徑度逡銳上廣  
下妥帖蹲白仰虛受鼓覆均圉圓質厚膚理皴緬懷  
上世風何淳封山禪亭空積薪大書特書磨貞珉高  
陵陸陟遂谷堙其蹟盡逐雲煙湮惟聖有作無緇磷  
縱亡其罷辭在紳授受箋釋窮白申况傳此鼓士響

臻絕勝素平觀經人恍與揚解揖讓賓幾忘眇末蟻  
蟲臣生逢敢冀充介僕潛然後百六紀身

原倡追和子瞻韻

張尚瑗

嗚呼古來神物顯晦不可常軼事難從訊遺叟掩抑  
千年忽昭揭蛟龍撫護五丁走魯宮魏冢竹素書祇  
今一二誦人口煙銷煤燼行復著何疑獵碣初唐後  
兩日陳倉披草看十亡其一惟存九剜刮土花拭苔  
繡琅琅炳若天星柳遂令流傳徧好事周廟罇于甄



墓斗韓公蘇公詩繼作淋漓大筆字運肘聚觀日多  
口日衆瘡痍彈射爭好莠由來名盛百毀生疑信喧  
騰供惡友此鼓自唐流至今子復生孫雛哺穀立乎  
定哀指隱桓零編斷字皆蚪蚪就令餘慶偽手造已  
堪閱世稱耆耆何況宇文與嬴政羣言狎叫一夫族  
聖朝崇儒興禮樂我泮壁新甍占虎觀還聞聚學  
徒鹿鳴曾說歌矇眊十碣依然盡無恙靈文翕葩齊  
岫嶠園橋受學肩相差古物摩挲手胝厚韋帶摳衣

階下誰江表。鰕生名氏某。觀碑亦廁羣。英後俯仰從。  
前歎希有司。空解辨桐山。鼓中壘能知。貳負杻搜求。  
茫昧須博物。奚懼墳羊與土狗。所嗟歷劫仍至此。劉  
蹶羸顛視若偶。丘墟已聽幾鵠聲。輦載頻回萬牛首。  
向使仍前尚淪汨。牧兒蹴蹋堯童掊。直置金鐘大呂  
間。陸離光彩人爭取。自古成名在得地。清水難同濁  
泥垢。要之至寶不終棄。自分球圖堪世守。琉璃質脆  
櫛葉輕。斯須悅目旋彫朽。嗚呼君不見。方召功勳樊

尹才文字模糊石猶壽

余作石鼓詩蒙觀察牧仲先生用子瞻原韻賜  
和因再用韻奉答並寄檢討朱竹垞先生

原

史籀大篆聞周宣肇變蟲魚述遺叟羸氏次仲造八  
分斯邈隸書供下走蔡邕指法張芝草柔媚悅俗炙  
人口趨今昧古貿是非鮮解輕前但軒後寧曉古作  
若溟渤奚啻雲夢吞八九擣舌安敢侈鍾王插脚何

由有顏柳石鼓歸然靈光存色正芒寒麗天斗元氣  
磅礴一畫前難從波磔尋跟肘夾漈考證猶舛訛子  
卿何人肆言莠禹鼎湯盤始與參嶧碑岱銘焉足友  
好古上故慚商彭敏學下思追關穀周文郁郁半磨  
滅矧從倉頡辨蚪蚪韓韋蘇梅不復作欲問奇字乏  
黃耆如冥擿埴失其持那瘼噬物信所噬我昨摳衣  
見斯鼓肅穆欽愛等尋卣蕪詞軋茁抒素懷曾堪登  
歌習矇眊祇歎身未丁厥時得窺宛委摩岫嶠宋公

屬和太嶢奇春麗鯨鏗寫淳厚直看千載敵髯翁寧

許中間置誰某張生硬語壁壘堅

張弘遠亦有作

蚋竅蠅聲

我何有公之為政美無度狴犴空虛庭廢榼公餘藝

苑恣跌宕輔月明無吠狗盤山山翠潞水煙渲染

大文世少偶目覽耳聽給環請對客擘牋詩幾首有

叩輒應縣洪鐘顧我寸莛怯撞掇泰嶽出雲海浴日

部婁細流罔擇取橐鞬周旋避三舍竊欲從公別廢

垢魯輸巧攻當者靡亟將朱公助墨守願屈燕許為

此詞肯使公詩獨不朽附驥致遠古有云小年大年  
均石壽

余和東坡石鼓詩觀察牧仲先生亦用其韻見  
投再次奉贈兼東令貽

尚瑗

北宋以來古調稀屈奇獨數東坡叟攀韓提白追少  
陵廬陵宛陵皆却走釋褐初年判鳳翔八觀佳句流  
人口遂令學步似者難寶玉當前瓦礫後於今作手  
推商丘雲夢羅胸吞八九切泥獨淬漢江流射札偏

穿董澤柳有如樊侯擁大盾嗔目斯須飲一斗紛紛  
債帥何足當木蛙兩驂戟鉤肘由來七字分藩籬無  
異嘉禾別狼莠難將時代論後先文筆頡頏皆好友  
公於眉山真嫡嗣威鳳將雛靈鵲殷無端俗耳耽淫  
哇兩部池塘聒蚪蚪鄭鼠攢藏荆鳳貴流傳謬種愚  
童耆依人作活終後人狂走踏堦惟所嗾自悼菰蘆  
識見陋目眩商彝與周卣淵海靈源浩莫探深池瞎  
馬悲盲瞍企踵俊蔚心所向蟻封無路登岫屢忽辱

陽春和里辭殷勤拂拭情何厚難邀顧况一看人何  
意孔融知有某長歌跌宕辭俶詭千彙萬狀無不有  
句奇欲敵彌明鼎韻難屢叶雲棲杻軟紅十丈東華  
塵車如雞棲馬如狗幾處挪揄逢路鬼窮年漂泊嗟  
挑偶富兒肥馬意氣揚明月夜投空掉首誠知欲益  
常反損但願無人來擊掊先生識趣與衆殊人棄何  
妨我獨取此心便與坡公似湔袞偏多在泥垢不忝  
遊蹤故故同轡孤奉使黃州守作詩聊為志感激敢



附青雲名不朽好在蓮花幕下人靈光賦筆王延壽

西陂雜詠

有序

余家西陂去宋城數里而近魚藕菱芡亘延於隋  
堤南湖有江南之勝老屋數間麤庇風雨擬號所  
居為淥波村為釣家而堂以緯蕭菴以和松名村  
之外縛芰梁築放鴨亭蓋躊躇數年於茲矣顧宦  
遊四方僅託諸夢想暇日為西陂雜詠屬和者累  
累更乞虞山王翬寫為圖裝而藏之篋中俟異日

歸老補葺焉昔劉克莊欲構後村精舍以周旋世  
故終未能插一椽施一鏹以為浩歎即陳北山所  
書精舍字亦付之蛛網蟲蝕而已則余於今日豈  
可僅託之圖與詩致令有後村之歎也康熙丙寅  
仲冬廿有九日書於潞沙官舍之漫堂

淶波村

芳洲魚麥多全家就來久門巷渚花叅眠食溪禽友泱  
泱淨兼天色映五株柳

釣家

已作煙波徒占斷  
煙波境籬根一綸竿  
檐隙雙苓簪時  
鼓鳴觥船長歌逐落景

緯蕭草堂

蟹舍秋風吹荻枝  
堅可截織薄衡茅間  
暫把魚經輟偃  
仰幽事多好待鹿門說

和松菴

顏翁蔭詩屋蕭瑟如空山  
長風拂虬枝天際來潺湲操

絃那能和此曲非人間

芟梁

水粟紛橫塘遠接撈鰕步采采刺我衣平橋踏涼露  
竚立聞荷香月挂迴堤樹

放鴨亭

鳬泛殊容與銜苔弄溪沙空亭鎮相何何須能言誇風

標兩公子伴爾棲蒹葭

杜牧之晚晴賦白鷺潛  
來兮邀風標之公子

濟南雜詩九首

濟南城北兩峰殊積翠凌空過小孤怪道相看如故友

鵲華秋色舊披圖

曾見趙文敏鵲華秋色圖

鵲華橋上每停車尤愛新晴返照餘城裏看山惟此地  
真成手弄玉芙蓉

感沸驚看趵突泉來從玉屋世爭傳署書留得

君王筆不數鷗波七字篇

濟南人說勝江南菱葉荷花戶牖參無數山光收不起

月明染得水拖藍

歷亭風物妙清秋湖水湖煙極望浮多少新詩容疥壁  
杜陵碑版不曾留

真箇南山碧玉環我來半載阻躋攀留著勝遊他日裏

祇應詩識是遺山

元遺山詩留著  
南山更一遊

廳事前頭古柏多高槐幾樹更婆婆西風一陣吹黃葉  
露出南山兩碧螺

風雅從來有廢興濟南當日氣憑陵誰知天畔峨眉雪  
又作禪門退院僧

水門偶讀南豐記厄井頻過大舜祠故疾未逢鯢蟹發

齊州六月不題詩

余宦濟南半歲溯行始得此數詩

### 峒嵒

鴈影落霜蕪驚心歲欲徂長途驅款段斜日過峒嵒蒼  
莽江淮近消沈楚漢俱勞歌聞瓠子河上一踟躕

### 題王澹游歲寒三友卷

文牒紛座右埋頭困神明偶一對圖史頓令耳目清朝  
來得寶軸古錦褰池精黃華老人子實維北地英三友

名頗襲逸筆殊縱橫  
顏翁聳而立龍鱗腹彭亨  
修篁帶蒼煙數枝森相迎  
更貌江南花苞綻幽香縈  
瀟灑拔俗懷誰能及此  
僖倪迂訝高脫王蒙說  
手生上智得神解妙語  
非譏評摩挲廢眠食嗒  
然坐前楹收卷忽一笑  
學道須忘情

早飯姊妹橋

霜橋踏去耐春寒  
卷裏人家作畫看  
索墅地名疎林參戶  
外茅山空翠落簷端  
吟情不屬憐  
隨牒歸夢難成笑據



鞍此日朝衫真可脫頻將苦筍入盤餐

山谷贈東坡詩云君如端為苦

筍歸明日朝衫應可脫

### 秣陵關避雨

奔濤側耳萬松間不覺穿林驀塢艱  
急雨遠來靈谷寺行人小憩秣陵關  
琮潺流水頻驚馬斷續殘雲苦戀山  
剩有城南聯句樂宦情鄉思頓教刪

虎丘山後僧舍看玉蘭用東坡遊道場山何山韻  
扁舟曲港循山麓為覓芳春入空谷  
禪關寂歷小院幽

一樹繁葩看不足雪塔矗立白漫漫柔枝亦作蒼虬盤  
清香縹緲徧法界餘英散落隨驚湍別院高樓花外出  
倚欄相對客展席玲瓏映日訝神功輪囷臨風想初植  
遙峰林隙聳翠鬟點綴總入圖畫間春光淡沲蜂作陣  
騁懷豈必千重山吏事轆轤夜達旦忽復三春已過半  
纔愜勝賞又言歸嚼蕊攀條起長歎

夏日同蔡九霞王勤中姜學在兒至遊支硎華山  
用元遺山天涯山韻

昔我觀海行，斥鹵更訪泰岱經。鄒魯江南山水不得遊，  
日日相對惟阿堵。瀕行始鼓一棹來，首路楓橋名最古。  
支硎山色呈遙青，一半朝陽一半雨。竹輿嘔啞凌坡陀，  
梔子萱花相媚嫵。支公亭廢尋馬櫪，旋螺菴幽憩梅圃。  
提攜上客千載人，翰墨之英文字府。冲襟已將瀑布濯，  
短策還向華山舉。泉噴鳥道怪石多，象馬瞿塘何足數。  
影留丈室弔蘼菴，僧話行滕歷天姥。薄暮佛巖縱遐眺，  
萬樹青松不見土。臨風長嘯谷響應，定有清詩出歌舞。

呼兒題名繼凡夫綿津山人牧仲甫

禦變詩

有序

康熙二十七年夏六月余奉

皇帝命撫江西舟次蕪湖聞楚北兵譁江西震恐急鼓  
擢入南昌撫慰之蒞事未十日於月晦突有奸徒  
李美玉袁大相勾結楚逆以酉字帖潛授其黨多  
人將於詰朝謀為不軌賴

聖天子威德偵知奸謀乘夜計擒二元惡旦即斬首懸

藁街餘黨盡鳥獸散亂遂以平其事詳劉榛周龍藻記中暇日賦此用存崖略云

聖皇二十有七載臣犖承

命撫洪州爰從茂苑歷建業溯流直泛長江舟時丁盛暑南風發江干晨夕阻石尤忽聞鄂渚兵脫籍倡亂一旦據上游二十餘城倏陷賊烽傳浦溆驚眠鷗殘黎絡繹蔽江下船如蟻蝨排荒洲我禱馬當得風助小孤彭郎無停留莅事人心稍安戢詰戎籌餉綏四陬孰知十

日突生變驅羆遠結封狼謀實維六月之晦日螳臂擬  
將大邦雖須臾風鶴偏城闕婦女奔竄聲咿呦厥黨無  
算暗勾致沟沟之勢未易收夜以計擒二桀惡繫頸不  
異當檻猴詰朝秉鉞正

國典碧油幢下懸其頭俄頃奸徒鳥獸散十三郡始安  
鋤擾捷書一紙報

天子宵旰庶寬南顧憂故人千秋推作者濡筆記事昌

黎儔新建英猷詎敢望銅梁取况增之羞

或以張肖甫  
定浙亂相况

沃民勿緩正有事藥石語佩西園劉

附記二篇西山不  
成於火鬱然而將

騰矣主人曰撲之火得撲而大熾拮掣不及施瓶罌未  
有備主人焚死井邑巖谷盡以燎四方來救者竭清漢  
之波未濟也而東山之火復欲然苟其炎炎攸灼風牽  
勢引寧但續西山之焦枯哉主人乃聲色弗形沃甕漿  
而無事西山亦以無所助而焦頭爛額者得以收其功  
然則東山之主人其所謂見幾之君子不俟終日者非  
乎宋中丞牧仲先生實類是先楚有去籍之卒踞山  
而要餉撫軍柯公永昇易之遭十餘騎往繫焉卒用以  
叛公及叅政葉公映榴同日死妖倖縱橫連破二十餘  
城勢洶洶不可知而先生乃受巡撫江西之任密通寇  
氛人情蠢然先生飛摺入境靜以鎮其搖撼誠以收其  
心齊嚴以飭其戎行明以申其賞罰浹旬而秩然有備  
矣六月之晦日垂沒先生聞變有李美玉袁大相者裂  
紙書酉字為符勾結城內外三千人約詰旦礮舉而行

事先生輒乘昏訪二人密擒以來問則直道之不為諱  
文武諸僚屬惶懾無所指城中士女半已遁部下士甲  
而坐不敢寐帷幄中客有危而去之者方伯王公業興  
一悸不十日死先生高眠徹曉從容起三搥三吹而升  
堂一切如常羽儀畢再鞠二人無異辭命中軍遊擊詹  
英擐甲胄奉旗牌率兩力士綠帟首捉刀擁二人出西  
轅門外立斬之即張信示曰倡亂者已誅餘不復問也  
其黨倭二人指揮如約日高不見俄聞中丞門殿鳴而  
二人之首已懸藁街矣衆乃疑神疑鬼不知發露之自  
而豕驚魚散四境帖然以寧設使是時需不先發怯不  
早斷寇一舉而西連於楚聲勢互倚譬及百粵將遺不  
測之憂不知如何矣而談笑定之楚亦以平伊誰之功  
哉夫今之民惴惴於烈山之患而待先生沃之以甦者  
非一端矣意者身教於未形而法制於不敢肆庶其并  
省挹注之勞而不負先幾之哲乎予親著遊履於東山  
見主人禦變之方畧而奇其孱孱書生輒能定大難而



暇豫有餘勇也故為紀之并以勉先生沃民而勿緩焉  
同里劉榛古大臣身經變亂非智不足謀非勇不足斷  
而其要者尤在本之以誠忠君憂國之誠蓄積於內而  
後智勇輻湊能於指顧間殲寇桀以安反側如商丘宋  
公江西定變之事是已初公奉巡撫江西之命也以康  
熙戊辰五月十九日發蘇州期至江寧疏請入陛見迨  
舟泊龍江口語籍籍傳武昌兵叛幕客咸相謂曰請陛  
見疏上候報聞須一月可以從容俟楚事之定不必急  
行與其難公獨毅然曰江西與湖廣壤相錯無巡撫鎮  
壓地方變將生況大江咽喉在潯陽必速發兵扼守庶  
足資楚師之應援我豈以畏避貽不測之憂哉立命放  
舟行抵天門山守弁出迎以皖撫所下檄視公知叛首  
為裁兵夏逢龍且言蘄黃諸城俱陷賊矣當是皆上流  
避兵小船數千蔽江而下無一人敢西行者獨公乘兩  
官舫逆發苦鬪風力牽挽日不能數十里六月初十日  
抵安慶府會巡撫楊公素蘊亦以楚地悉陷勸公徐行

且招公飲公曰此非飲酒肯然寇起倉卒不可不示之以暇乃往赴三爵即啓行適遇天反風兩晝夜達湖口縣關使某出迎極言九江多警勢恐不可支公笑曰吾在君無過憂故事巡撫履任關防與旗牌俱先責至湖口以待乃公至而吏卒闕然人疑省會且變公曰此必慮鄱陽湖險闊或有奸細窺伺其間故慎重不遠來耳保無他俄而一吏至如公言分巡饒九南道僉事朱尚隆來迎公詰以九江事云省中遣遊擊陳化龍協同副將王昶出師而藉口無餉逗留不發不能無憂公曰師行餉從此定理也彼以無餉不發苟予以餉當無辭立撤取湖口庫銀一千兩俾尚隆速往諭之事乃濟肯舟阻石鐘山距省尚遠中隔大湖非便風不得行公禱於神風立轉瞬息抵吳城接受關防旗牌以是月十九日入撫署江西俗素驚聞寇警紳士半出避且自汰兵之役興撫鎮兩標不滿三千人又多分發州邑防守存者不及數百公受事首以兵為重與藩臬道府議招募卒擇

其尤壯健者得五百人出已俸養之顧人尚恟恟多懼  
有以追還諸紳士及禁婦女出城告者公曰此不足以  
靖變而益之變也浙人王某在公幕憂禍及求歸公曰  
此邦之人所恃者惟我在我署中之人先遁則舉城皆  
鳥獸散矣汝出門一步我當以軍法斬汝副將阮述者  
舊駐黃州黃州陷避寇於蕪水忽來請餉衆謂楚卒餉  
當索之楚非我事可無與公曰寇氛方張人情難測今  
楚省司餉者死且逃彼將安索若請於我我復不應彼  
倘以無餉激其軍而叛奈何立發四百金予之皆公以  
鎮靜安衆心而紀律嚴明每日暮命標弁赴軍門請號  
徹夜徹巡不絕奸徒無所容有以李美玉袁大相不執  
事來首者二兇俱閩人充督標卒被裁聞逢龍叛謀起兵  
江西應之糾合黨與散酉字帖衣白衣為號將於七月  
朔舉事先一日店戶呂瑞伯因旗牌官羅魁以首公計  
非密擒之不可遊擊趙永吉甫以丁憂去任然其人謀  
勇足仗召之來告以故且詢其用卒幾何永吉曰勢迫

不可用多人多必泄願以家丁五人從足矣因命挾瑞伯乘夜往叩二兇寓以有急求見二兇不料事發露啓門永吉即突入揮袖中鐵椎斷其臂五人至遂擁以行其黨無知者公親鞠之二兇直承不諱乃召總兵陳平布政使王業興按察使孫蘭督糧叅政吳廷貴督學僉事邵延齡都司俞承都南昌知府張士佺集撫署共議皆平抱病喋不出一語業興以下俱股栗無人色爭以二兇雖擒而黨與甚多恐一旦怨而思逞勸公緩其誅公曰今四海無虞德布天下此小醜何足慮且彼黨雖多皆仰二兇為盟主二兇鋤將竄匿之不遑而敢更求逞哉遂升堂中軍遊擊詹英繫二兇待命公再鞠之二兇俯首甘受死但指陳總兵親隨某亦我黨昔某方侍總兵側手刀欲發公睨之伴笑曰此逆渠求緩須臾死姑妄扳以待鞠彼乃總兵親隨人豈有是哉即立請王命斬二兇轅門外懸其頭章江廣潤二門并張信示曰倡亂者已誅餘竝不問是日其黨方羣伺二兇指揮

忽聞軍門礮鳴二尤頭已懸城上不知發露所自各驚駭而散江西自此帖然而楚賊亦以無援敗矣公誅二尤後間語陳平杖死其卒并告以手刃故云嗚呼事會之乘亟矣江西當江湖之衝上承荆楚而下綰閩廣達龍一叛即陷沒二十餘城若豫章復有變則東南半壁岌岌乎有不能保之勢故公之聞警也使不以公家之事為已事濡遲道左彼九江戍卒尚無安輯之方況二尤伏在肘腋又孰為破其機械而翦除之哉至二尤之縛尤有三善焉微巡不嚴則奸宄之跡不發即奸宄之發而圖之不密則不能就擒就擒矣而傍徨不決不下令立誅之則其黨且破獄而刼之以叛釀禍可勝言歟惟公砥節首公不震不殊受事十日而大變立定豈獨智與勇勝哉亦其至誠所蓄積有以孚人心而培國命焉耳當公在江西劉文學榛親覩定變事曾為記一篇其文猶略而未備愚幸侍坐於公得悉事之始末用敢重加詮次且又聞先公巡撫江西者為王公鵬適奉

命督浙閩軍務至汀州楚亂聞即留駐曰江西新撫未到恐有蠢動我將還定之其識力亦有過人者乃因記公事而牽連書之無使其失傳焉吳江周龍藻

附

豫章行

載震

江夏城中夜鳴礮譁卒倡亂橫戈矛紀年戊辰月夏

六黑雲森慘烈日收撫軍自裁

楚撫柯公永昇

叅政死

楚督糧葉

公映

震驚漢南延東淑浹妖氛徧三郡

漢陽德安黃州旬日

俱破機宜一失夫何尤時維宜君鎮皖口

皖撫楊公素蘊

典兵

擁節領上游豫章地勢接吳會交南百粵閩咽喉緊

誰受

命撫茲土用汝方伯臣商丘牽船行不五百里烽埃

羽檄紛江州天門山下風浩浩盡日不見來往舟楫

金打鼓祭風伯乞助一帆無停留大孤彭郎瞬息過

兼程單舸來洪州推誠布德戎行飭激忠賈勇廢墜

修春蠹爾袁李連夏逆

湖廣賊首  
夏逢龍

忽忽乃敢恣異謀裂

紙三千書酉字要結游惰開釁讎聞者男女競奔竄

馭唯以靜抒良籌曰予禦侮永吉往爰授秘略縛兩

囚詰旦曳斬軍麾左手提模糊血髑髏餘悉縱遣雲  
鳥散幸不蒙賞同焦頭楚賊援絕禽易耳飛章上緩  
天子憂赦臣專殺鑒臣苦誠恐寡斷貽儒羞乃知詩  
人其餘事扶顛大業管樂儔具書所見示來者傳信  
庶無煩徵求

過北蘭寺四首

霽景開南浦秋郊訪北蘭沙隄延野色竹塢瞰江湍妙  
相拈花示禪心即境安平生端有異興發是林巒



豆棚連曲牖竹徑轉虛堂圖史心無著茶爪味總長觀  
泉嗟面皺踏閣愛山蒼白袷憑欄處松風作意涼

山脊孤亭峙荒寒傍棟林苔文隨展席鳥語應調琴偃  
仰消兵候低徊望

關心劫灰僧話久磬響夕陽沈

別圃從容過迴岡更有亭沙痕浮日白山色印江青列

岫承餘韻

是地舊有  
列岫亭

支頤感客星無須催小隊漁唱暮

堪聽

丁景呂傳卣生見過席上有作用景呂韻三首

絕代佳人聯袂至周行示我正相須堪從仲舉殷勤問  
穉外還能一客無

傳咸棄世元高躅丁密休官有令聞一樽齋閣修篁下  
不少清風似此君

指揮定亂尋常事敢向文成步後塵剩喜素心相對處  
焚香掃地作閒人

別張長人十九年矣遠道新篇見贈依韻奉答

蝶夢蘧蘧感歲年每逢秋雁望書傳  
梅川丰格誰堪擬魯壁靈光世共憐  
品墨雪堂疎雨夜捫碑赤嶼晚風前  
詩來又得題襟樂依舊低頭願執鞭

秋日雜興疊北蘭寺韻寄示姪起四首

帶露收園摘臨風徙盞蘭庭空餘豆  
架籟遠殺江湍退食初心在聞鐘噩  
夢安何當乘暇日取次問煙巒

鈴閣幽閒地依然號漫堂節旄肩不  
易饘粥味何長帖訝漏痕古圖披松  
鬣蒼尋常分俸得宦況未蕭涼

偶得吳說

手簡王

蒙畫

鞭弭憐廝養風騷拜士林撫時思害馬行藥偶攜琴懷  
古江濱閣餐英歲暮心浦鷗閒似我元不問升沈

昨日東湖曲行歌孺子亭汀煙涵月白梁芰入秋青輦  
路疎書遞霜波照鬢星題詩寄小阮賓鴈幾迴聽

漫堂咏物

小靈壁研山

磐石黝以奇翠律傍硯匣髹几發翠嵐盈咫羅正峽方

之小兒華幽賞未云乏

宣銅鹿書鎮

小物鑪之餘厥質十二鍊攸伏貌來殊寶色朱櫻絢風  
牀罷攤書應同辟邪薦

大食索耳茶盃

愛茲海國陶彷彿卯色天索耳撲愈妙官哥寧比肩與

香泛永夜詩思來悠然

武夷有  
與香茶

小華道人一池春綠墨

隄檠媚分宜萬杵光奕奕春綠象曲池品欲加尺璧冰  
壺秋月胸磨吸亦何惜

何雪漁凍章

鵝無非  
佛事字

雪漁運鐵筆邈焉追嬴政片石粟以溫摩挲得繕性玉  
局昔有言玩之足去病

東坡與元章云臥閣  
四印奇古失病所在

倭漆桃香盒

鷗翎騰鑑光匱具肖有蕢金泥映螺彩遙從海嶠分龍  
涎宜爾貯果園奚足云

賦得江月滿江城

瀖灩雲間月，淒其江上城。  
清輝連極浦，灝氣逼虛楹。  
竹露泣時滴，林鳥棲復驚。  
冲襟默相對，申旦浩歌生。

題陸色山梅鳩次原韻

好鳥坐春枝，刷羽未成哢。  
暗香襲襲來，正結羅浮夢。

題王勤中畫用兒至韻

堂上三尺練，鞞紋漾晴波。  
垂揚生新穉，因風掃圓荷。  
何來兩黃鳥，相喚如和歌。  
彷彿放鴨亭，欲佩簪筍過。

附原詩

至

老柳發金線絲絲掃晴波白小鷺復定啜水藏圓荷  
樹頭兩黃鳥相視調清歌隋家堤邊景納涼記曾過  
題錢舜舉三蔬圖三首

幾年燕京擁地爐黃芽之羹薦中廚  
搗來南州食單減大巢無味薯蕷麤  
披圖新翠嫩可摘為菹擬備三冬需  
中夜酒罷相如渴先生端祇期冰壺

右白菜



古煙一抹春雨注  
嶰谷蟄龍想騰翥  
青苔迸地生鈴竈  
千尺琅玕錦綳護  
金鷄紫斲平臺東  
風味殊佳懷舊圃  
好趁江國爛朱櫻  
上座聊參玉版去

右筍

詩人昔賦采葑菲  
土酥雖賤味則良  
嚙根萬事皆可就  
英雄種菜知何妨  
雪溪遺老寫生手  
紙上如拳淨堪剖  
深衷抑鬱待爾舒  
一飽怡然更奚取

右蘿蔔

梅仙祠二首

梅尉棲真處山坳半畝塘閒雲開鶴圃修竹護丹房錄  
秘三天字花傳七里香名花到來心一洗琴韻滿迴廊

垂釣磯難問橫橋水自流樓臺懸絳節林壑駐華輶地  
近洪厓子居宜帛道猷高風聞賣藥吟望思悠悠

除夕次劉山蔚韻

揭來俗韻喜全拋鶴伴人間似在郊吐綰分明花映燭  
浮蛆漱澀酒盈匏春迴霜鬢慚持節夢繞雲峰擬結巢

遠札殷勤傳洵水始知冰雪有深交

時接三河令  
彭無山書

元日疊前韻

鄉心昨夜醉能拋曉色雲山媚近郊  
幾載承明違伏謁九天仙樂憶懸匏  
印生綠字閒鈴閣架引紅萼綴鳥巢  
怪道輕裘還欲脫西江風物接南交

宣銅琴爐三十韻

焚香購雅製厥品貴而狹部鼎貌太莊博山韻殊乏宣  
廟治最良文房用維甲質當百鍊精式與七絃合形縮

難動操工巧煩撥蠟疑識逼鍾王雕鐫勞目眈叶陋嗤  
朝冠聳色允栗殼雜誚擁祥雲羸奚貝多葉壓遠矚體  
匪佻近撫爪欲掐中翠含瓜皮外斑點僧衲柔物

帝京紀贗器吳門法磨洗此僅免匱孟邨容狎摩抄鑑  
避光細膩肉偏洽潤媿端溪珍秀奪美人頰叶亡蓋熟

愈便疑杯酒將呷特薦選倭盤防觸慎火災瀚水沈若  
嵐貯楫拙如匣寶惜元禁藥拂拭經繡袷雖下彼天球  
詎儕乎睡鴨傍鐙氣熊熊竝硯位恰恰刻論尚愧乳別

種自登閣穎師緬抱攜荀令藏周匝削足樸有稜側耳  
鑿以插微薰愛氤氲急響失鏗鞳炷幸謝閨闈供還遠  
禪榻偶冷怕深宵常溫宜殘臘聊取膝上橫莫更續中  
納賺或蘭亭同價終連城答吟興弄處增鼻觀悟來嗒  
句擬石鼎聯盟共彌明畝

附  
前題用韻

至

宣廟貴薰翫鎚鍊戒纖雜出治擅奇珍制器遵古法  
入目壁逢下驚心兕離桺桐君號許分朝冠耳嗤插

足撐貌頗莊口方手僅匝百金價詎昂七絃蓋惜乏  
夙癖愛收藏索看厭紛沓柴汝肥羞婢鼎鼐蠢媿狎  
色冷埋土璞質膩醉姬頰叶薄紅卵膚天硬黃僧子  
衲幽燄常蘊腹堅彩時徹叶離陸靡定觀珊瑚攪  
梔蠟撥灰熱龍涎調絲遜山峽巾頻就以烘經莫藉  
此壓聲久騰

帝京寶喜歸余匣製未滿一斤中可容三合有字歟屬  
鐫無酒脣欲呬倘遇蔡中郎焦否指應掐清誇傍丈

史俗幸免閨閣鬪雞缸名齊沉泥硯品洽髹盤奉宜  
倭錦囊裏用袂鼓鑄匪為遙鑑別此云甲淫雨勤自  
拭活火促僮夾避塵須施籠位几恒防磕左輔漢玉  
匙右配果園合諦脉訝爛光欣賞餞殘臘撫之不成  
音鏗爾空希苔張燈刻畫吟拈韻次第押風簾靜垂  
垂煙篆裊恰恰小物薦明裡升香足大裕

西陂類稿卷九